

Inatsisartut suleriaasianni § 37, imm. 1 naapertorlugu, matumuuna Naalackersuisunut imaattunik apeqquteqarpunga:

Naalackersuisunut apeqqutit:

- 1. Kommunit agguataarneranni kommuniniit kommuninut 2009-p kingornaniit qanoq annertutigisut aningaasaliissutaasarpat?**
 - a. Kommuneqarfik Sermersuumi koorunit qassiuppat?
 - b. Qeqqata Kommuniani koruunit qassiuppat?
 - c. Avannaata Kommuniani koruunit qassiuppat?
 - d. Kommuni Kujallermi koruunit qassiuppat?
 - e. Kommune Qeqertalik pilersinneqarmalli koruunit qassiuppat?
- 2. Tasiilap Kommunian kingumut pilersinneqaqqissappat qanoq annertutigisut atorfissaqartinneqassappat?**
- 3. Naalackersuisut Tasiilap Kommunian pilersinneqaqqissinnaassappat, innuttaasut taasitinneqarnermikkut piumpappata Naalackersuisuniit ammaffigineqarpa?**

(Inatsisartunut ilaasortaq Gerth Mikaelson, Naleraq)

Tungavilersuut:

Kommunerujussuit pilersinneqarmatali Kangiani Tasiilami innuttaasut amerlasuut kiisalu nunaqarfimmiut ammut ingerlanertik qasseeriarujussuarlutik qaqqittarpaat.

Tasiilaq nunaqarfippassuulu naluneqanngitsut amerlasuutigit suliassatigit, aningaasatigit, sullinneqarnikkullu arlalippassuutigit kingulliunneqartuarnertik qatsuppaat.

Akerliussutsimik takutitsinerpassuit annertuut pisaraluarput ingerlariaqqinnissarlu anguniarlugu aaliangertoqartaraluarluni. Oqaasiinnartigit amerlasuut ingerlalernikuupput.

Tamakku innuttaasunit kingumut takuteqqinneqartarput.

Kitaamiut Tasiilamut suliarortut uterniarsarinnerminnut atatillugu, angalaniarnerit ajoruttormata naammagittaalliuuteqarlutik inuit attaveqatigiittarfiisigit Facebookikkut saqqummertarput.

Innuttaasut nunaqarfinnut qaammatip ataatsip iluani uterniarsarisut takusaqattaarpagut. Allaat kommunimi qinikkat ilaat inuunerminik ulorianartorsiorsinnaanini nalunnigikkaluarlugu snescootereriarluni umiatsiariarluni snescootereqqillunilu nunaqarfimminut angerlamut apuunnikuusimavoq.

Nunatta taamatut ingerlanera eqqarsaatigalugu, ingammik Tasiilami eqqaanilu naammaginangitsumik ingerlatsinerup ajussusaa ersarik.

Innuttaasut sinnerlugit sulisitsisut siulittaasuat sakkortuumik qisuariami oqarpoq, Tasiilami imaluunniit tunumi nammineq Partiliornissaq eqqartorlugu, taavalu ajornangippat Kangia kitaaniit avissaarusulluni. Pissutsit ajungaarmata.

Kitaaniit nunasiaataaneq naammagiunnaaraluttuinnaramikku kiisa taamatut qisuariartalerput.

Innuttaasut suliffissaat matoorartut amerlapput. Iffiorfeerutsiterpoq.

Frimærkeqarnikkut Tasiilaq nukittuutut inissisimanikoq atorunnaarpoq, tamannaluunniit Borgmesterimiit illersoriaallanneqanngilaq.

Tasiilami siunissaq ungasinnerusoq eqqarsaatigalugu innaallagissiorfiup allilerneqarnissaa ullulernagu kinguardeqqinneqarpoq. Tamatuma kingunerissavaa illoqarfimmi sanaartorsinnaanerup killilersorneqarneranik. Mittarfiliorsinnaaneq, naluttarfiliorsinnaaneq, allallu sanaartugassaasinnaasut annertuut pisinnaanngillat.

Suliffissanik pilersitsisinnaasut tamarmik killilersorneqarput.

Innuttaasut kinguaariit illumi najugaqatigiiaartiterput inissaqannginneq pissutaalluni.

Aamma tamakkua pinngitsooratik meeqqanut suli annertuumik kingunerluuteqartarput, assersuutigalugu meeqqanut naapertuilluannigitsuliornerit, kingunerisarlugit inersimasunngoraangamik qamuuna tamakkua anneralugit imminortarnerit. Kamak annertoq pigilersaramikku.

Isummanni suli annertunerujussuit eqqartorsinnaagaluarpakka. Massakkutuut inissisimaneq aamma peqqutaaqataasut ilagilluinnarmassuk Kommunerujussuanngorattali inoqarfiit ilaattut aamma Tasiilaq nunaqarfiisalu annertoorujussuarnik kingunerluuteqartorujussuanngorsimanagerat.

Annertunerusumik Borgmesterimiit siornatigutut illersorneqarsinnaaneq ajorput.



Taamaammat qulaani taamatut apeqquteqaateqarnera pisariaqavippoq.

Uanilu pingaarluinnarpoq taassallugu: Sooq taama siammasitsigisumik apeqquteqarninnut peqqutaavoq innuttaasut kitaaniit illersorneqartannginneri ersarissigaluttuinnarmat.

Innuttaasut paasisinnaaqaakka Tasiilamiit qinikkat uparuartorneqartalernerinik aallaaviit tassaammata qinikkat Tasiilameersut sunniutaarunnikuusut oqaluttalermata.

Taamaammat pingaartippara assut Tasiilami nammineq Kommuniinngoqqinnissaa.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.